

2 TESALONIKAFՉ

Paulo Ovoli Չyade Kĩ Etselɛ Ema TesalonikafՉ

¹ Yİ, Paulo, Silvano mՉ Timoteo, bՉtselɛ ovoli kİİ bՉama mi a kİ minye Baguma mՉ boe Չlate Yesu Kristo bade a ne Tesalonika.

² BՉwe kİ Baguma boe Չlega, mՉ boe Չlate Yesu Kristo, bemՉ mi kՉnya, bekpa mi lukudՉ lemɛ.

BՉawā Baguma Kİ Mi Kadzi Kame KiketimՉ Ye Kave a.

³ Nwaɛ amɛ, kenɛ kİ bՉanyɛ Baguma kՉlɛ ne mi lՉlՉ. FՉnɛnɛ kİ bՉanyɛ ye kՉlɛ, kitonɛkİ mi katekado abo anɛ, ade mi bawaɛ akū kawɛ lemɛ lamɛna lՉtՉ kanaa a.

⁴ Ne fukİİ sū bՉapia ne mi akū katsa Baguma tesoli a. BՉapia lemɛ ne ayekİ midzɛ pintii ne mi katekado a akū, tito kİ bitomՉ mi liti ade miamՉ lubo lemɛ.

⁵ Fukİİ flee atsa kİ Baguma kadze kame kpale, ne foesū yaamՉ mi kİ mikpola mikpa kadzikՉ ne ye legākanyakՉ a kİ de akū miamՉ lubo a kame.

⁶ Baguma aakɛna letsa a kİ lenɛnɛ ne de osi akū, ade yaavele lubo kamՉ eko ne bikİ bɛmՉna mi lubo akū a.

⁷ YaafՉ mi a kİ mimՉ lubo a, mՉ boe a flee bՉna kawɛya. Baguma aakɛna fukİİ ne lՉkՉ a kİ boe Չlate Yesu mՉ ye ode fՉtՉ banyanɛ anɛ ne odetՉ kame ne fi mՉ kՉbɛ kame.

⁸ Yaavele bati a kİ binyİna Baguma, mՉ bikİ bisİ boe Չlate Yesu Kristo Kale Wİ a soto.

⁹ Boe Ɔlate aablomɛna be ne ye anɛ kame mo ye awã kĩ ye kukũkpale mo ye kobẽ deĩ a. Yaawola be mo odu mo odu,

¹⁰ nte ɛya ne Luwi kpale a akũ. Yaate obu mo kamu etomɛna ye bate badone a flee sekẽ. Mi malo míana ne be kame, kitonekĩ mite ye foletsa wĩ a kĩ bubi mi a mido.

¹¹ Ade fukĩ sũ boaboa mpae ne mi lolo loko nye loko a. Boawã Baguma kĩ efõ mi kadzi kame kiketimo kavɛ a kĩ ɛve mi a. Ye kobẽ kofõ mi tuwĩ kakena flee ne mi katekado kame a foya ne foe kame.

¹² Fóatsã fukĩ akũ boe Ɔlate Yesu dĩ aade ne ode, mi malo mina dĩ kadela ne ode mitomɛna ye sekẽ ne Baguma mo boe Ɔlate Yesu Kristo konyakamo sũ.

2

Mitafõ Bati Badima Lɛkɛ Mi.

¹ Nwaẽ amɛ, boawe kĩ boabi mi foletsa fudi ne boe Ɔlate Yesu Kristo kabuki kaya mo boe kakpota ne ye sekẽ a akũ.

² Nte minu kĩ boe Ɔlate kaya luwi a ya kokɔɛ ni, mitafõ mi kakona litutulu ñye libe liwo mi. Ɔsa míakona kĩ boe lele fukĩ ne loko a kĩ bonye Baguma onukpẽ, ñye kĩ bole Baguma kale a, ñye kĩ bɔtsɛle ovoli odi boma mi.

³ Mitafõ oti odima lɛkɛ mi ne osi odima akũ, kitonekĩ boe Ɔlate luwi a leláaya mbɔente loko a kĩ bati pii aayidza bedza ne Baguma akũ a ya, ade oti kpa a kĩ Baguma nye eyi kĩ yaawola a aane edza a.

⁴ Oti Kpa a aayidza edza ne Baguma Hũhũ kobẽ adi nye adi akũ, ñye letsa nye letsa kĩ bati

asum akū, lɔkɔa ebɔe ye akū kī ebē hūhū a flee. Malo kɔlaa, yanadzá nɛ Baguma Asoli Kɔla kame, ekɛna ye akū kī ye nɛ Baguma mɔawɛ a.

⁵ Miáte anɛ kī lɔkɔ a kī nna nɛ mi sɛkē a mbi mi fukī bamɛ?

⁶ Lɛmɛ kɔbē kudi sua foe kaya osi finyaakī. Mi mɔawɛ a minyina letsa kī fɔanɛ. Oti Kpa a aanye ye akū kanya nte ye lɔkɔ wo ɔtɔ.

⁷ Tɔkpa kakɛna kɔbē lamɛna adzuma kakɛna nɛ kabɛla kamɛ kɔkɔɛ. Lɛmɛ fɔtsa a kī fɔaya a ni, fɔláaya nɛ foe kamɛ tɔ kɛnaawo kī Baguma nɛ oti a kī yasua foe osi.

⁸ Fukī liti ni, Baguma aanye oti kpa a kanya, lɛmɛ nte boe ɔlate Yesu ya ni, yaakɔa ye onukpē kamɛ otutuo ɛko ye lɔkɔa ɛkɔa ye kukūkpale ɛwɔla ye.

⁹ Oti Kpa a na aaya mɔ Abonsam kɔbē, lɔkɔa ekɛna awāwā mɔ fɔvā nsentseleni fɔtsa kumɛkumɛ.

¹⁰ Ade bati a kī baya kawɔkɔ a ni, oti kpa a aatsā ablo tɛdake tisi nɛ tisi akū ɛkɛ be. Baawɔ kitonɛkī betáte ɔnɔkɔali kalɛ wī a kī fɔafɔ Baguma lekpa be nkpā a bido.

¹¹ Nɛ fukī sū, Baguma aakɔa hūhū kī yaafɔ bɛyɛla osi edo nɛ be kamɛ ayekī baatɛ fɔvā kama fɔletsɛ bido.

¹² Foe kawūna aanya kī, Baguma aakɔ be flee kɔtɔ, kitonɛkī betáte ɔnɔkɔali kalɛ a bido, mbom bamɔ kawɔlɛ nɛ tɔkpa kakɛna akū.

Bɛpau Mi Kī Mina Nkpā.

¹³ Nwaɛ amɛ, kɛfɛta kī bɔanye Baguma kɔlɛ daa nɛ mi lolɔ, kitonɛkī yawɛ mi kalɛ paa. Kito anɛ kayɔkayi a, Baguma nɛ mi kī mina katɛ.

Ɛkɔa ye Hũhũ Kpalɛwa ɛkpale mi akũ ne ayekĩ mite kale wĩ a mido sũ.

¹⁴ Ade fotsã Kale Wĩ a kĩ bubi mi a akũ sũ ni, Baguma ve mi kĩ miyaana tsefã ne boe Ɔlate Kristo kukũkpale a kame.

¹⁵ Ne fukĩ sũ, nwaẽ ame, midza kɔɔba, mipi ɔnɔkɔali fɔletsã a kĩ bɔtsa mi ne boe fɔtsa katsa, mɔ boe tuvoli kame a midomɔ akũ.

¹⁶ Bɔawã boe Ɔlate Yesu Kristo, mɔ Baguma boe Ɔlega kĩ yawe boe kale a, kĩ ne ye kɔnyakamɔ kame ni, ɛkpa boe ɔwɔle kado mɔ kɔnete pii,

¹⁷ ɛkpa mi kɔbẽ, edo mi tɔwɔle fi ne kɔdzela wĩ kale, mɔ tudzuma wĩ kakena kame.

3

Mite Anɛ Mikaabɔa Mpaɛ Ne Boe Lɔlɔ.

¹ Yĩ kale kawũnade nye kĩ, nwaẽ ame, mibɔa mpaɛ ne boe lɔlɔ ayekĩ boe Ɔlate kale a aagba ne fɔkɔ kumekume, lɔkɔa betɛ ke mɔ obu ndɛ ayekĩ fɔna ne mi kame a.

² Mibɔa mpaɛ leme kĩ Baguma ɛnye boe etomena tɔkpa mɔ bati kpa awe kame, kitonekĩ nné bati flee letɛ kale a bido.

³ Leme boe Ɔlate nye ɔnɔkɔalini, ade yaado mi kɔbẽ, edã mi akũ ayekĩ okesĩne a lelãanya mi akũ.

⁴ Boe Ɔlate akpa boe katekado ne mi akũ kĩ miãkena ne fukĩ bɔtsa mi a akũ, ade bɔate kado kĩ miãkena ne foe akũ leme a.

⁵ Bɔawã Baguma kĩ ɛkpa mi ye ɔɔo a kayɔkanu baũ, mɔ ɔwɔle kado a kĩ Kristo akpa a.

Mikena Mi Tudzuma.

⁶ Nwaẽ ame, bɔasi mi mbla ne boe Ɔlate Yesu Kristo dĩ akũ kĩ mivele mi akũ ne bate badone

banyonepo a kī baákena ne fotsa kī bōtsa mi akū a ɔwě.

⁷ Mi mɔawe minyina yededeede kī kene kī miakena adzuma nde ayekī boe malo bōkena a, kitonekī botákena ɔnyone ne loko a kī bōna ne mi sekě a.

⁸ Botákɔa boe kanya bute ne odima akū kī botáse koto. Mbom bōkena adzuma mo ɔsī mo ɔsī lenye mo suwa ayekī odima lelábɔa koto ne boe akū kadā kame.

⁹ Budeī osi kufe kī bɔakɔa boe akū kadā bute ne mi akū, leme bōkena foe kī mikole mitomena boe sekě.

¹⁰ Miate ane kī loko a kī bōna ne mi sekě a, bɔkabi mi kī odi nye odi kī esī kī yaakena adzuma ni, etanya leme.

¹¹ Bɔabi mi fotsa kī bame kitonekī bɔanu kī banyonepo badi deī ne mi kame, kī baákena letsama keba bakoba akū fɔletsatsatsa kale.

¹² Bɔasi bati kī mbla bɔkpa be kode mo ɔsī mo ɔsī ne boe ɔlate Yesu Kristo dī akū, kī bidzi kadzi wī lokɔa bekena adzuma bedā be mɔawe akū.

¹³ Leme, nwaě ame, mitafɔ akpo liveli mi ne tuwī kakena kame.

¹⁴ Ade nte odi lákena ne fɔletsatsatsa a kī bɔabi mi ne ovoli kī kame akū ni, miyi ye ɔsū lokɔa mifone ye awe, kɔnyɔā kuwo ye.

¹⁵ Leme mitabɔe ye likesī, mbom mide ye nde ɔwaě aye.

Bɔakla Mi.

¹⁶ Bɔawā boe ɔlate mɔawe a kī enye lukudo oti a, kī ekpa mi lukudo daa ne mi kadzi kame. Boe ɔlate edāmena mi flee akū.

¹⁷ Yĩ Paulo mɔawɛ letsɛɛ fɔletsɛ kĩĩ makla mi. Ade aye mado awɛ nɛ yĩ tuvoli flee kayɔ a, ade aye lɛmɛ matsɛɛ fɔtsa a.

¹⁸ Bɔawã kĩ boe Ɔlate Yesu Kristo ɛmɔ mi flee kɔnya.

Tuwuli

Tuwuli: Baguma Apam Vɔɔ a Tuwuli New Testament

copyright © 2008 Wycliffe Bible Translators, Inc.

Language: Tuwuli

Contributor: Wycliffe Bible Translators, Inc.

All rights reserved.

2025-04-29

PDF generated using Haiola and XeLaTeX on 28 Apr 2025 from source files dated 29 Apr 2025

68df0193-2981-5275-8994-8f743fe01e5e